

# Vun driveriver

erscheint auf [www.lenauheim.de](http://www.lenauheim.de)

monatliche  
Erscheinung

Juni 2010

von *Helen Alba*

## Esse in Neilonschachtle

So geht's mir schon seider zwaa Jahr. Ständich sin ich uf der Fusch. Kaum men ich, jetzer is e Weil Ruh, hoppla, schon klingelt wieder es Telefon un mei Tochter halt an: „Mutti, ich kumm nit zurecht. Gell, du kummscht doch wieder bissl helfe!“ Ja, wann des nor so e Katzesprung wär! Doch bis uf Pforzheim muss ich fascht 1300 Kilometer in Kaaf holle. Un des „Stickl“ hin un a wieder zuruck.

Doch, was macht mer nit de Kiner zulieb?!

Un so sin ich sowohl derhem als aa in Deitschland immer beim Richte un Koche. Vore eb ich hinfahr koch ich do vor. Tächlang steh ich am Herd, koch, loss auskiehle, tu scheen alles uf Porzione inteele, verfracht die in Neilonschachtle un tu se ingfriere, dass mei Mann sich des Esse nor uflaane un wärme muss. Is nor gut, dass der nit murre tut. Er is mit allem zufriede, wanns nor de Kiner gut geht, er losst sich schon nit verhungre.

Un dernoh sin ich dorte un fang vun vore an. Mir sin unser vier Persone, for die ich jede Tach de Tippe iwerstell. Doch e grosse Tippe. Weil vun jedem Gericht koch ich dann doppelt, also for acht Persone. Was iwrich bleibt – Auskiehle, Inteele, Ingfriere.... Weil die Kiner selle dann doch a noch Gekochtes han, wann ich schon längscht wieder derhem sin. Un wann ich noh eener Wuch am Telefon froo, ob noch Neilonschachtle im Gfrierfach sin, krien ich zur Antwort, dass nimi so vill geblieb is.

Manchmol schaut die Kocherei mer schon am Hals raus. Ich denk, also meiner Seel, ich kumm jo aus dere Kich gar nimi raus! Doch wann ich noh gsiehn, wie gut dass es alli schmecke tut – na ja, do fang ich dann gut gelaunt vun vore an.